



ქართული
კანათბურთი

ღებულება

22-წლამდელთა ჩემპიონატი



სეზონი 2023-2024

GBF.GE



თავი I - ზოგადი ელემენტები

წინამდებარე დებულება ვრცელდება 2023-2024 წლების სეზონის 22-წლამდელთა ჩემპიონატზე კალათბურთში

მუხლი 1. ჩემპიონატის ჩატარების უფლება

ჩემპიონატის ჩატარების ექსკლუზიურ უფლებას ფლობს საქართველოს კალათბურთის ეროვნული ფედერაცია (შემდგომში "ს.კ.ე.ფ").

მუხლი 2. თამაშების ჩატარების წესები

ჩემპიონატი ტარდება „კალათბურთის ოფიციალური წესების“ და წინამდებარე დებულების შესაბამისად. ჩემპიონატის ყველა მონაწილე ვალდებულია გაეცნოს და შეასრულოს „კალათბურთის ოფიციალური წესების“ და წინამდებარე დებულების მოთხოვნები.

მუხლი 3. ჩემპიონატის ორგანიზების და ჩატარების ხელმძღვანელობა

ჩემპიონატის ორგანიზებას და ჩატარებას ხელმძღვანელობს "ს.კ.ე.ფ" სამეჯიბრო დეპარტამენტის მეშვეობით.

თავი II - ჩემპიონატის ჩატარების მიზნები

მუხლი 4. ჩემპიონატის ჩატარების მიზნები და ამოცანები

- საქართველოში კალათბურთის შემდგომ პოპულარიზაციას და განვითარებას;
- მოზარდ კალათბურთელთა ოსტატობის დონის ამაღლებას;
- უძლიერესი გუნდების გამოვლენას;

თავი III - ჩემპიონატში მონაწილეობის დასაბამისი წესები

მუხლი 5. დაშვების პირობები

5.1. გუნდები ჩემპიონატში დაიშვებიან, წინამდებარე დებულების მოთხოვნების შესრულების პირობით და სამეჯიბრო დეპარტამენტის გადაწყვეტილებით..

ჩემპიონატში მონაწილეობის მისაღებად თითოეული გუნდი ვალდებულია:

- 5.2. 2023 წლის 31 ოქტომბრამდე დაადასტუროს ჩემპიონატში მონაწილეობა
- 5.3. წარმოადგინოს ელექტრონული განაცხადი დადგენილი ფორმით 2023 წლის 7 ნოემბრის 23:59 საათამდე.
- 5.4. გუნდს უფლება აქვს განაცხადში შეიყვანოს და მიიღოს ლიცენზია არა უმეტეს 16 (თექვსმეტი) მოთამაშესა და 6 (ექვს) ოფიციალურ პირზე.
- 5.5. 2023-2024 წლების სეზონის ჩემპიონატში მონაწილეობას მიიღებენ 2002 წელს და შემდეგ დაბადებული კალათბურთელები.
- 5.6. თითოეულ გუნდს 16-კაციან განაცხადში შეიძლება ჰყავდეს მაქსიმუმ 9 კალათბურთელი ქვედა ასაკობრივი ჯგუფიდან (იგულისხმება, 2006 წლიანი _4 მოთამაშე, 2007 წლიანი _3 მოთამაშე და 2008 წლიანი _2 მოთამაშე)
- 5.7. თითოეულ გუნდს თამაშის განაცხადში შეუძლია შეიყვანოს მხოლოდ თავისი ასაკობრივი გუნდებიდან არა უმეტეს 4 (ოთხი) მოთამაშისა. დასაშვებია მათი შეცვლა სხვა მოთამაშეებით ნებისმიერ თამაშზე.
- 5.8. გუნდის განაცხადში შეიყვანოს მოთამაშეს უფლება აქვს ერთდროულად ითამაშოს საქართველოს ასაკობრივ ჩემპიონატებში მხოლოდ თავისი კლუბის შესაბამის ასაკობრივი კატეგორიის გუნდში. თუკი გუნდი ვერ მოხვდება ასაკობრივ ჩემპიონატში და ასპარეზობას აგრძელებს სხვა ტურნირში ან ღონისიებაში, მას აქვს უფლება, თავისი კლუბის ვერტიკალში 2 კალათბურთელი ათამაშოს 22წ ჩემპიონატში.
- 5.9. თითოეულ გუნდს შესაძლებლობა აქვს ასაკობრივი ჩემპიონატში მოასპარეზე საკუთარი 18-16 წლამდელთა გუნდიდან განაცხადში შეიყვანოს 7 მოთამაშე (ა, ბ, ც ასაკობრივი ლიგებიდან). გუნდმა მატჩის კომისიარს უნდა წარუდგინოს როგორც 22-წლამდელთა გუნდის მოთამაშეთა ლიცენზიები, ასევე ქვედა ასაკობრივი კატეგორიების, სუპერლიგის გუნდის იმ მოთამაშეთა ლიცენზიები, რომლებიც აპირებენ მონაწილეობის მიღებას მატჩში.
- 5.10. გუნდი თითოეულ თამაშზე უნდა წარსდგეს არა ნაკლებ 8 მოთამაშისა. ამ პუნქტის დარღვევისათვის ჯარიმა 20 ლარი 8-ზე ნაკლებ თითოეულ მოთამაშეზე.
- 5.11. გუნდი ვალდებულია წარმოადგინოს მოთამაშის დაბადების ან პირადობის მოწმობის ასლი
- 5.12. მოთამაშეები ჩემპიონატში დაიშვებიან მხოლოდ სპეციალური სამედიცინო შემოწმების შემდეგ და თუ კლუბი, გუნდი არ წარმოადგენს სამედიცინო ცნობას შესაბამისი დანებებულებიდან, კლუბი იღებს მოთამაშის ჯამრთელობის პასუხისმგებლობას ჩემპიონატის მსვლელობისას.
- 5.13. გუნდს თამაშზე აუცილებლად უნდა ჰქონდეს ორი სათამაშო ბურთი.
- 5.14. გუნდი ვალდებულია შემოიტანოს სამონაწილო თანხა 1800 ლარი 2024 წლის 31 იანვრამდე.
- 5.15. თუ საქართველოს ნაკრები გუნდის წევრი არასაპატიო მიზეზით არ გამოცხადდება ნაკრების შეკრებაზე ის ჩემპიონატის თამაშებზე იქნება დისკვალიფიცირებული.
- 5.16. ჩემპიონატში მონაწილეობასთან დაკავშირებული ყველა ფინანსური ანგარიშსწორება უნდა მოხდეს "ს.კ.ე.ფ"-ს საბანკო ანგარიშზე.

საქართველოს კალათბურთის ეროვნული ფედერაციის რეკვიზიტები:

- საფოსტო: 0162, ქ.თბილისი, ჭავჭავაძის გამზირი 49ა.
- საბანკო: GE96BG000000182449001
- ბანკის კოდი: BAGAGE22;
- ს/კ: 204851838
- ტელეფონი: 223 53 84; 593 95 95 73; 558 78 69 54
- ელ.ფოსტა: nkhutishvili13gmail.com

მუხლი 6. მოთამაშეთა დამატება განაცხადში

6.1. 22 წლამდე ჩემპიონატში მონაწილე გუნდიდან გუნდში მოთამაშეთა გადასვლა შესაძლებელია 2024 წლის 1 იანვრიდან 2024 წლის 15 იანვრის ჩათვლით. თითოეულ გუნდს მაქსიმუმ შეუძლია ორი მოთამაშის დამატება. თუ 16 კაციან განაცხადში თუ აქვს დარჩენილი ადგილი.

6.2. გუნდმა შეიძლება დაიმატოს ამ ჩემპიონატში არალიცენზირებული მოთამაშე პლეიოფის დაწყებამდე.

6.3. გუნდზე გაცემული მოთამაშის ლიცენზია, მიუხედავად იმისა, მიიღო თუ არა მოთამაშემ მონაწილეობა ჩემპიონატის მატჩში, გუნდს ეთვლება ლიმიტში. მის ნაცვლად დამატებითი ლიცენზია არ გაიცემა.

თავი IV - მოთხოვნები ჩემპიონატის მონაწილეთა მიმართ

მუხლი 7. მოთამაშეები

7.1. ჩემპიონატებში მონაწილეობის უფლება აქვთ მხოლოდ გუნდის განაცხადში შეყვანილ მოთამაშეებს;

7.2. სათამაშო ფორმა უნდა შეესაბამებოდეს “კალათბურთის ოფიციალური წესების” მოთხოვნებს

7.3. თითოეულ გუნდს უნდა ჰქონდეს სათამაშო ფორმის მინიმუმ ორი კომპლექტი, რომლებიც უნდა შეესაბამებოდეს კალათბურთის ეროვნული ფედერაციის მიერ მიღებულ „სათამაშო ფორმის სტანდარტის“ მოთხოვნებს. ერთი კომპლექტი – ღია ფერის და მეორე კომპლექტი – მუქი ფერის. მაისურებზე დასაშვებია ნომრები 00, 0-დან 99-მდე, ხოლო გვარი ქართული შრიფტით (უცხო ენაზე – “ს.კ.ე.ფ.”-თან შეთანხმების შემთხვევაში). მოუწესრიგებელი ფორმის შემთხვევაში მთავარ მსაჯს და კომისარს უფლება აქვს არ დაუშვას მოთამაშე თამაშზე. **სათამაშო ფორმის სტანდარტი: იხილეთ დანართი #1**

7.4. მოთამაშის სათამაშო ნომრის შეცვლა სეზონის ბოლომდე დაუშვებელია;

7.5. მოთამაშეები ჩემპიონატში დაიშვებიან მხოლოდ სპეციალური სამედიცინო შემწების შედეგად და თუ კლუბი (სკოლა, გუნდი) არ წარმოადგენს სამედიცინო ცნობას შესაბამისი დანახვების დასადასტურებლად, კლუბი(სკოლა, გუნდი) იღებს მოთამაშის ჯანდაცვითი პასუხისმგებლობას ჩემპიონატის მსვლელობისას.

მუხლი 8. მწვრთნელები, გუნდის თანმხლები პირები

8.1. თამაშის მსვლელობისას გუნდის სათადარიგოთა სკამზე დაჯდომის უფლება აქვთ თამაშის ოქმში შეყვანილ მოთამაშეებს (12 (თორმეტი) მოთამაშეს), მწვრთნელთა შტაბის 3(სამი) და მედპერსონალის 3(სამი) წარმომადგენლებს.

8.2. სეზონის განმავლობაში მწვრთნელი შეიძლება იყოს შეყვანილი მხოლოდ ერთი გუნდის განაცხადში.

მუხლი 9. მსაჯები და მსაჯები მაგიდასთან

9.1. ჩემპიონატის თითოეულ თამაშს ემსახურება 2(ორი) ან 3(სამი) მსაჯი, კომისარი და მაგიდასთან მსაჯების ჯგუფი რვა კაცის შემადგენლობით (მდივანი, ანგარიშ დამთვლელი(ტაბლო), დროის ოპერატორი, 24 წამის ოპერატორი, სამი ან ორი სტატისტიკოსი და მსაჯი-ინფორმატორი).

თავი V - ჩემპიონატის ჩატარების წესები და სისტემა

მუხლი 10. ჩემპიონატების ჩატარების წესები

10.1. საქართველოს 2023-2024 წლის ჩემპიონატი 22-წლამდელთა შორის დაიწყება 2023 წლის 9 ნოემბერს და დამთავრდება 2024 წლის 30 აპრილს, თანახმად “ს.კ.ე.ფ.”-ს მიერ დამტკიცებული კალენდრისა.

10.2. თამაშები ჩატარდება ქალაქ თბილისის, ქალაქ ბათუმის, ქალაქ ქუთაისის, ქალაქ თელავის და ქალაქ რუსთავის სპორტდარბაზებში, რომლებიც შერჩეულ იქნება “ს.კ.ე.ფ.”-ს გადაწყვეტილებით.

10.3. თუ დაშვებული გუნდებიდან რომელიმე განაცხადებს უარს მონაწილეობაზე, ის აღარ დაიშვება მომავალი წლის ჩემპიონატზე.

10.4. მონაწილე გუნდები:

- | | | |
|------------------|---------------------|-----------------------|
| 1. თსსუ | 6. თბილისის ბასკეტი | 11. სოხუმი საქართველო |
| 2. რუსთავი | 7. ოვერტაიმი | 12. ბასკო 1 |
| 3. სოხუმის კოლხა | 8. ვსა | 13. ბასკო 2 |
| 4. სტუ | 9. თელავი | 14. ქუთაისი |
| 5. ჰიუნდაი | 10. სპორტუნი | 15. დრიმჩეისერს |

ჯგუფურ ეტაპზე თანაბარი ქულების დაგროვების შემთხვევაში, უპირატესობა მიენიჭება ურთიერთშეხვედრებს, თუ ურთიერთ შეხვედრებში ნაჩვენებია შედეგი თანაბარია, შემდგომ ბურთების სხვაობას.

- თუ სამმა (ან მეტმა) გუნდმა დააგროვა თანაბარი რაოდენობის ქულები, ყველა ამ გუნდს შორის დაითვლება ურთიერთშეხვედრები. შემდგომ ბურთების სხვაობა.

10.5. შეჯიბრება ჩატარდება ორ ეტაპად.

პირველი ეტაპი: ჩემპიონატის მონაწილე ყველა (15) გუნდი იქნება ორ ქვეჯგუფში და ითამაშებენ ორ (2) წრედ შინ და სტუმრად.

მეორე ეტაპი: ქვეჯგუფებში 4 საუკეთესო შედეგის მქონე გუნდი ითამაშებენ მეოთხედფინალს

1/4 ფინალი

მეოთხედფინალში გუნდები დაწყვილდებიან შემდეგნაირად:

I ნწყვილი ა 1 ადგილი – ბ 4 ადგილი

II ნწყვილი ა 2 ადგილი – ბ 3 ადგილი

III ნწყვილი ბ 1 ადგილი – ა 4 ადგილი

IV ნწყვილი ბ 2 ადგილი – ა 3 ადგილი

მატჩების ჩატარების წესი:

მეოთხედფინალს გუნდები თამაშობენ პლეი ოფის სისტემით ორ მოგებად. პირველი მატჩი გაიმართება ნწყვილში პირველად მითითებული გუნდის მოედანზე,

- ნწყვილებში გამარჯვებულები გაითამაშებენ 1-4 ადგილებს, ხოლო დამარცხებულები დაასრულებენ ჩემპიონატს.

- დამარცხებული გუნდების კლასიფიკაცია მოხდება მეოთხედფინალურ სერიაში ნაჩვენებ შედეგების მიხედვით

1/2 ფინალი

გუნდები მეოთხედფინალური თამაშების შემდეგ დაწყვილდებიან შემდეგნაირად:

I ნყვილი: პირველ ნყვილში და მეოთხე ნყვილში გამარჯვებული გუნდები.

II ნყვილი: მეორე და მესამე ნყვილში გამარჯვებული გუნდები.

1-4 ადგილზე გასული გუნდები თამაშობენ პლეი ოფის სისტემით ორ მოგებად.

ფინალი:

ნყვილებში გამარჯვებული გუნდები გაითამაშებენ 1-2 ადგილებს.

დამარცხებული გუნდები გაითამაშებენ 3-4 ადგილებს. გუნდები 1-2 ადგილისათვის თამაშობენ პლეი ოფის სისტემით 3 მოგებად, მე-3 ადგილისთვის – ერთ მოგებად.

თავი VI - დისციპლინარული სანქციები ჩემპიონატის მსვლელობისას

მუხლი 11. დისციპლინარული დარღვევები და სასჯელები

დისციპლინარული სასჯელის ზომას დებულებით დადგენილ ფარგლებში განსაზღვრავს “სადისციპლინო ტექნიკური კომისია”.

- გუნდის წარმომადგენლებს: მოთამაშეებს, მწვრთნელებს, მწვრთნელთა თანაშემწეებს, სამედიცინო პერსონალს და გუნდის სხვა თანმხლებ პირებს ეკისრებათ პასუხისმგებლობა ქცევის წესების დაცვაზე მატჩამდე, მატჩის მსვლელობისას და მატჩის დამთავრების შემდეგ. წესების დარღვევისათვის დადგენილია შემდეგი სასჯელები:

11.1 ტექნიკური ჯარიმისთვის მოთამაშე ან მწვრთნელი მატჩის მსვლელობისას დაჯარიმდება სტანდარტულად, ხოლო ჩემპიონატის მსვლელობისას 8 ტექნიკური ჯარიმის დაგროვების შემთხვევაში, მოთამაშეს ან მწვრთნელს შეუჩერდება ჩემპიონატში მონაწილეობის ლიცენზია.

შენიშვნა: სანქცია ახ ვხცედე იმ ტექნიკურ ჯარიმებზე, რომლებსაც მოთამაშეები მიიღებენ ეგზე წოდებული „ფეიკისთვის“ (Fake).

11.2 შეურაცხყოფა სიტყვით ან ჟესტით:

11.2.1 მსაჯების, კომისრის, მსაჯ-მდივანების, მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია ორ (2) თამაშამდე.

11.2.2 სეზონის განმავლობაში განმეორებითი დარღვევისთვის – დისკვალიფიკაცია ორიდან (2) ოთხ (4) თამაშამდე.

11.2.3 სეზონის განმავლობაში მესამე მსგავსი დარღვევისთვის – დისკვალიფიკაცია ხუთიდან (5) ათ (10) თამაშამდე.

11.3. თამაშში ულიცენზიო მოთამაშის მონაწილეობისათვის გუნდს ჩაეთვლება წაგება „თამაშის უფლების ჩამორთმევით“ ანგარიშით 0:20 და დაეწერება 0 ქულა.

11.4. თუ ლიცენზიის გაცემის შემდეგ გამოვლინდა ასაკობრივი დარღვევის ფაქტი, მოთამაშე დისკვალიფიცირებული იქნება ერთი წლით, გუნდს ჩაეთვლება წაგება იმ თამაშებში, რომელშიც მიიღო მონაწილეობა ამ მოთამაშემ, ხოლო მწვრთნელს ორი წლით აეკრძალება გუნდის ხელმძღვანელობა „ს.კ.ე.ფ.“-ს ეგიდით ჩატარებულ შეჯიბრებებში.

11.5. თუ მოთამაშე გაძევებულია მოედნიდან მსაჯთან შეკამათების გამო ის უნდა იქნეს დისკვალიფიცირებული მინიმუმ 1(ერთი) თამაშით.

11.6 **ფიზიკური შეურაცხყოფა:**

11.6.1 **“შეურაცხყოფელი ფიზიკური კონტაქტი”**

11.6.1.1 მსაჯების, კომისრის, მსაჯ-მდივანების მიმართ – დისკვალიფიკაცია ორიდან (2) ხუთ (5) მატჩამდე.

11.6.1.2 მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია ორ (2) თამაშამდე და ჯარიმა.

11.6.2 **“უხეში ფიზიკური შეურაცხყოფა”:**

11.6.2.1 მსაჯების, კომისრის, მსაჯ-მდივანების მიმართ – დისკვალიფიკაცია ხუთიდან (5) ათ (10) მატჩამდე.

11.6.2.2 მეტოქის, მაყურებლის, თანაგუნდელის მიმართ, გუნდის თანმხლები პირების ერთმანეთის მიმართ – დისკვალიფიკაცია ორიდან (2) ოთხ (4) თამაშამდე.

11.7 მსაჯის მიერ თამაშიდან გაძევებული მოთამაშე, მწვრთნელი, მწვრთნელის თანაშემწე ან გუნდის თანმხლები პირი ავტომატურად ექვემდებარება დისკვალიფიკაციას მომდევნო ერთი თამაშით, თუ დანაშაულის სიმძიმე არ ითვალისწინებს უფრო მკაცრ სასჯელს.

11.8 დისციპლინის დარღვევასთან დაკავშირებულ სადისციპლინო-ტექნიკური კომისიის სხდომაზე მიწვეულ პირს არასაპატიო მიზეზით გამოუცხადებლობის შემთხვევაში დაეკისრება ჯარიმა **ასი (100) ლარის** ოდენობით.

11.9 იმ შემთხვევაში, თუ დასჯილი მწვრთნელი, ან მოთამაშე მონაწილეობენ სხვა ასაკობრივ ჩემპიონატებში, სუპერლიგაში, მათ დამატებით აღნიშნულ ტურნირებში დაეკისრებათ დისკვალიფიკაცია **ორ (2) თამაშამდე**. თუ დისკვალიფიკაციის ვადა აღემატება სეზონის ბოლომდე გათვალისწინებული კალენდარული თამაშების რაოდენობას, დარჩენილი სასჯელი გადადის მომდევნო სეზონში.

11.10 გუნდის ოფიციალური პირების (ხელმძღვანელობა, მენეჯერი) არასპორტული ქცევა:

11.10.1 მუქარა, დაშინება ან არასპორტული ქცევა მეტოქის, მაყურებლის, მსაჯების, კომისრის ან მსაჯ-მდივანთა მიმართ – ჯარიმა **2000 (ორი ათასი) ლარი**.

11.10.2 სეზონის განმავლობაში იგივე დარღვევის განმეორებისათვის – ჯარიმა **3000 (სამი ათასი) ლარი**

11.11 იმ შემთხვევაში, თუკი გუნდი არ გამოცხადდება ან უარს იტყვის თამაშზე ან თამაშის გაგრძელებაზე:

-პირველი დარღვევისთვის – გუნდს ჩაეთვლება წაგება „უფლების ჩამორთმევით“ და ჯარიმა **400 (ოთხასი) ლარით**.

-იგივე დარღვევის განმეორებისას გუნდს ეძლევა დისკვალიფიკაცია სეზონის ბოლომდე და ჯარიმდება **2000 (ორი ათასი) ლარით**.

11.12 დისციპლინური დარღვევის შემთხვევები და მათ გამო გასატარებელი სასჯელები, რომლებიც არ არის მოყვანილი 11-ე მუხლში, განიხილება ს.კ.ე.ფ-ს გამგეობის მიერ.

11.13 განსაკუთრებულ შემთხვევაში ს.კ.ე.ფ-ს სადისციპლინო-ტექნიკური კომისია უფლებამოსილია, თავის შეხედულებისამებრ, გაზარდოს ან შეამციროს სასჯელი დარღვევის სიმძიმის გათვალისწინებით.

11.14 გუნდის წევრებისათვის დაკისრებული, დებულებით გათვალისწინებული, ყველა სახის ჯარიმების გადახდა უნდა მოხდეს მომდევნო თამაშამდე, წინააღმდეგ შემთხვევაში თამაშის კომისარს ეკრძალება მათი დაშვება მომდევნო თამაშზე.

11.15 ზემოხსენებული ჯარიმების არადროულად გადახდაზე მთელი პასუხისმგებლობა ეკისრება გუნდის (კლუბის) ხელმძღვანელობას.

თავი VII - ფედერაციის და გუნდების ხარჯები ჩემპიონატის ჩატარებისას

მუხლი 12. ფედერაციის ხარჯები ჩემპიონატის ჩატარებისას

“ს.კ.ე.ფ” გაიღებს შემდეგ ხარჯებს:

- მსაჯების, კომისრის და მსაჯ-მდივანთა ბრიგადის მგზავრობის და თამაშის მომსახურების ხარჯებს.
- სხვა საჭირო საორგანიზაციო ხარჯებს

მუხლი 13. გუნდის ხარჯები ჩემპიონატის ჩატარებისას

13.1. ჩემპიონატის თამაშებზე სხვა ქალაქში მივლინების ხარჯებს იხდის მიმავლინებელი ორგანიზაცია.

13.2. მსაჯების და კომისრის სასტუმროში მიღება 3-ჯერადი კვებით.

13.3 სტუმარი გუნდისთვის, მსაჯებისა და კომისრისთვის განკუთვნილი მინერალური წყლის ხარჯებს.

13.4 მასპინძელი გუნდი ვალდებულია აანაზღაუროს მსაჯების, კომისრის, საჭიროების შემთხვევაში მსაჯ-მდივანების 2 (ორი) დღე-ღამით სასტუმროში მიღების და 3-ჯერადი კვების ხარჯები. არ შესრულების შემთხვევაში **ჯარიმა 500 ლარი**

13.5 თუ გუნდი ვერ უზრუნველყოფს 13.4 პუნქტით გათვალისწინებულ ვალდებულებებს (ობიექტური მიზეზების გამო) მას უფლება ეძლევა აღნიშნული ვალდებულებებისთვის საჭირო თანხა ჩარიცხოს ს.კ.ე.ფ-ის საბანკო ანგარიშზე.

13.6 მასპინძელი გუნდი ვალდებულია თამაშის დასრულების შემდგომ, უზრუნველყოს მსაჯების, კომისრის და მდივანებისთვის კვება(საკუთარი სახსრებით. არ შესრულების შემთხვევაში მასპინძელი გუნდი დაჯარიმდება 500 ლარით.

13.7 მასპინძელი გუნდი ვალდებულია უზრუნველყოს გასახდელი მსაჯებისთვის: სველი წერტილებით, მაგიდით და სკამებით. ამავდროულად მსაჯ მდივანებისთვის მოსასვენებელი ოთახით. არ შესრულებისთვის ჯარიმა 500 ლარი.

თავი VIII - პრეტენზიები

მუხლი 14. პროტესტის შეტანის წესი

14.1. პროტესტი “ს.კ.ე.ფ.”-ში შედის წერილობითი ფორმით და „კალათბურთის ოფიციალურ წესებში“ ჩამოყალიბებული პროცედურების დაცვით.

14.2. პროტესტის შემომტანი გუნდი იხდის წინასწარ თანხას 100 (ასი) ლარის ოდენობით. პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

14.3. გუნდის პროტესტის განხილვის პირველ ინსტანციას წარმოადგენს “ს.კ.ე.ფ.”-ს საშეჯიბრო დეპარტამენტი.

14.4. თუ გუნდი არ ეთანხმება პირველი ინსტანციის გადაწყვეტილებას, პროტესტს განიხილავს “ს.კ.ე.ფ.”-ს გამგეობა. ამ შემთხვევაში წინასწარ გადახდილი თანხის რაოდენობა იზრდება 200 (ორასი) ლარამდე.

პროტესტის დაკმაყოფილების შემთხვევაში წინასწარ გადახდილი თანხა უბრუნდება გუნდს.

თავი IX - ღაჯილდოება

მუხლი 15. გუნდების მოთამაშეების, მწვრთნელების და თანმხლები პირების დაჯილდოება

15.1. გუნდი, რომელიც ჩემპიონატში დაიკავებს პირველ ადგილს, ენიჭება საქართველოს 2023-2024 წლების სეზონის 22-წლამდელებთა ჩემპიონის წოდება.

15.2. გუნდის მოთამაშეები, მწვრთნელი, მწვრთნელის თანაშემწე და ექიმი ჯილდოვდებიან ჩემპიონის ოქროს მედლებით, არაუმეტეს 18 კაცისა.

15.3. გუნდების მოთამაშეები, მწვრთნელები, მწვრთნელის თანაშემწეები და ექიმები ჯილდოვდებიან ვერცხლის და ბრინჯაოს მედლებით, არაუმეტეს 18 კაცისა თითოეული გუნდიდან.

